

Ма сярись вераз ЖДАНОВ эш ВКП(б)-лэн XVIII-тй с'ездэзлы

„Аслаз, XVIII с'ездын лэсьтэм докладаз Сталин эш социализмлэн бадзымесь вормон'ёсызы итог лэсьтйз, куд'ёссэ асьмелэн партимы кыктэти патиеткае басьтаны быгатйз“,—озы кутскиз вераны Жданов эш ВКП(б)-лэн Уставаз изменениос пыртон сярись докладэз.

Со вера со сярись, что асьме странаосытмы трудящойёс коммунистической партия котыре огазаяськызы, коммунизмлэн идеясыз советской калыклэн знамяныз луизы.

Коммунистической партия ас пушкысьтыз тушмон'ёслэсь кырсьсэ суяз. Партия эшшо но единой но сплоченной луиз, эшшо но со юнмаз. Партия котькулэсь но кужмояз.

Коммунистической партилен но великой Сталинлэн кивалтэмзы улсын асьме странаын социализм вормиз. Асьмеос мыйськом азылань, коммунизме.

Асьме родинамы сыче өвёлви, кыче вал дас-дас вить арталэсь азыло. СССР-лэн классовой составез воштскиз. Асьмелэн өвёл ни капиталист'ёс, помещик'ёс, кулак'ёс, купец'ёс, спекулянт'ёс. Асьмелэн огазэс-огазы яратйсь кык класс'ёс кылызы: рабочийёслэн классы но крестьян'ёслэн классы. Та класс'ёслэн куспсытьтыз пёртэмлык'ёс арысь аре бирю. Вань советской калык эшшо но единой луэ. Партия котырын будйзы азымынсь рабочийёс, крестьян'ёс но интеллигенция пöлысь непартийной большевик'ёс, куд'ёсыз партилен ужез понна активной но сознательной нюр'яськысьёсын луо.

Вот соин ик партия аслаз уставаз изменениосты пыртонэз али кулэен лыд'я.

Кыче со изменениос?

Али дырозь ВКП(б)-е пырисьёс ньыль категориослы люкылэмын вал. Кылсярысь, нырысь категориен пыртылызы заводын но фабрик'ёсын ужасьёсты, куд'ёсызлэн ужам стажы 5 арлэсь ёжит өвёл. Соос вить ар'ем партийной стажо коммунист'ёслэсь куинь рекомендация басьтоно луо вал. Соос ВКП(б)-лэн членэзлы кандидатын быдэс ар улоно вал. Нош служащойёс ньылетй категория пыртылыськызы. Соос партилен 10 ар'ем стажо член'ёсызлэсь вить рекомендация басьтоно луо вал. ВКП(б)-лэн членэзлы кандидатын кык ар чоже улыны кулэ вал.

Партиэ пыртылонлэн сыче порядокез 1922 арын партилен XI-тй с'ездэз тупатэмын вал. Соку вакыт та'че ой вал, кыче луэ со али. Эксплоататорской класс'ёс соку быдэсак быдтэмын ой вал на. Крестьянство единойчой

вал. Трудящойёс пöлын вестойчивой, непролетарской элемент'ёс уно вал. Соин ик партиез сы'че непролетарской элемент'ёслэсь возман понна но соослы партия пырыны луонтэм шуг'ёс кылдытон понна, тупатэмын вал сы'че категориос.

Нош али асьме странаын мукет вакыт ини. Эксплоататорской класс'ёс быдэсак быдтэмын. Асьмелэн куспазы тупась кык класс'ёс гинэ кылызы—рабочийёслэн классы но крестьян'ёслэн классы. Соин ик, партия пыртылон понна категориослэн кулэлыксы өвёл ни. Со категориос партилэсь рад'ёссэ странаосытмы умой адямиосын будэтонлы люкетой ини. Жданов эш интересной пример вера. Ленинградсь умой стахановец'ёс пöлысь одйгез, туэ СССР-лэн легкой промышленностезлэн народной комиссарезлэн заместителез, Сметанин эш „Скороход“ фабрикаын рабочий-затяжчик вал. Сое, умой стахановец луэмын, цехлы начальнике пуктызы. Со кандидатэ пырон понна заявлениэ сётйз. ВКП(б)-е сое, цехлэн начальникез луэмын, кыктэти категория пыртызы. Собрере, ужаны умой быгатэмез понна, Сметанин эшез фабрикалэн директореныз каризы. Нош кандидатсы сое партичленэ пыртон дыр'я, солы кыктэти категория пыроно ёз луы ини. Партилен членэз сое пыртызы ньылетй категория. Озы тйни, куке со фабрикаын рабочий луыса ужаз, партия пырыны нырысь категория быгатэ вал, нош куке со азыланьскиз но вылэ жутоксыз, соку партия пырон условиос солы шугомызы.

Азылань та выллем учыр'ёс медаз луэ ни шуыса, партия аслаз уставаз изменениос пыртэ.

Партия вань пырисьёс куинь ар'ем партийной стажо мурт'ёслэсь куинь рекомендация басьтоно луо. Нош рекомендация сётйсь мурт'ёс партия пырись муртэз одйг ар огазын чош ужамзын мед тодозы.

ВКП(б)-е котькудйз пырись мурт кандидатын улолэсь ар чоже стажэ ортытоно луэ. Та дыр куспын партийной организация сое умой-умой эскере, солэсь кыче луэмзэ толэ.

Аслаз докладаз Жданов эш партилен член'ёсызлэн правоосы сярись, массовой чисткаосты воштон сярись пырпоч вераз. Партинын азыло массовой чисткаос ортытылыськызы. Со дыре асьме странаымы капиталистической элемент'ёс вань на вал. Соин ик партилен рад'ёсэз чуждой калык'ёс медаз шеде шуыса, массовой чисткалэн кулэлыксы бадзым вал. Али капита-

листической элемент'ёс быдтэмын. Массовой чисткаосты ортытонлэн но кулэлыксы быре. Партия чисткаостэк но аслаз рад'ёсысьтыз сы'че мурт'ёсты куины быгато, куд'ёсыз ВКП(б)-лэсь программаз но уставзэ тйяло.



Жданов эш, массовой чисткаосты ортытыку, ошибкаос лэсьтэм сярись вера. Со вера, кызы честной калык'ёс парти радьсы юнме куштылолэ шедьылйзы, нош партия чуртнаськем тушмон'ёс шараямын луйтэк кылылызы.

Вань сы'че мурт'ёс но куд'ёсыз, асьсэлэсь саклыксыс возматон понна, честной ужасьёс но умой коммунист'ёс вылэ клеветать карылызы. Тушмон'ёсты, нырысь ик, клеветник'ёс пöлысь утчано, шуиз Жданов эш.

Жданов эш вера, что коммунист шоры, со сярись кы'че ке вопрос мыныку, туж саклыко но чутко' учконо. Котькуд коммунист сярись, солэн уж'ёсыз'я но солэн ужамез'я, вераськоно. Соин ик, уставын сы'че пункт луыны кулэ, кудйз партилен член'ёсызы внимательной подходэз обеспечить кароз.

Жданов эш аслаз докладаз кадр'ёсты валаса уже кутон, сётэм ужлэсь быдэстэмзэ эскерон, выль партийной кадр'ёсты уж'ёсы кутылон сярись вераз.

Сталин эш асьме партиез дышетэ, что кадр'ёсты шонер уже кутон—со луэ кадр'ёсты яратон, сое, зарни фондэз кадэ, утялтон, каждой ужасез саклыко эскерон, солэсь тырмыт но тырмытэ интыоссэ тодон, сое сы'че уже пуктыны быгатон, кытын со уногес пайда сётоз.

Ленинлэн-Сталинлэн ужзылы осконо мурт'ёсты, ужаны быгатйсь егит ужасьёсты кивалтон уж'ёсы кутылонлы люкетылйзы партийной организациосы чуртнаськем калыклэн тушмон'ёсыз. Партия калыклэсь тушмон'ёссэ пазыгиз, выль кадр'ёсты жутонылы паськыт сюрес усьтйз, жыны миллионлэсь но уно егитэсь большевик'ёс кивалтон уж'ёсы кыскемын.

Социалистической строительствон шонер кивалтон понна, куиньметй пятилеткалэсь задачаоссэ быдэстон понна, Маркслэн—Энгельслэн—Ленинлэн—Сталинлэн учениосыныз кадр'ёс вооружить каремын мед луозы.

Бернум ар'ёсы партийной организациос туж юнмазы. Партийной организациослэн массаосын герзасыкемы но умояз. Завод'ёсын, фабрик'ёсын, воинской частьёсын коммунист'ёс ужын но дышетсконын пример возматон. Партийной организациос хозяйственной но культурной уж'ёс бордын уно ужаны кутскизы.

Жданов эш куд'ог партийной организациослэн улэнысьтызы пример басья. Та ни Ленинградсь Кировской завод. Троцкистско-бухаринской бандабсь калыклэн тушмон'ёсыз, та заводлэн кивалтоназ чуртнаськыса, 1937 арын заводэз со дыре вуттызы, что та завод аслэсьтыз кутэм планэз 45—50 процентлы гинэ быдэс'яз. Банлит'ёс шараямын но быдтэмын. Али заводэн стахановец'ёс но ударник'ёс пöлысь потэм выль калык'ёс кивалто. Заводлэн ужез умояз, татын бадзым инты партийной организация басьтйз. Партийной организация калыклэсь тушмон'ёссэ шараяз, 500 котыре умой стахановец'ёсты, инженер'ёсты, техник'ёсты будэтйз, куд'ёсыз заводэн азынлыко кивалто.

Аслэсьтыз докладэз йылыпум'яса, Жданов эш предложениос вылэ дугдылйз, куд'ёсыз сётылэмын вал партилен член'ёсыныз но кандидат'ёсыныз солэн докладэзлэсь тезис'ёссэ обсуждать карон дыр'я. Таос пöлын комсомол сярись но предложениос вал. Азыло егит'ёс партия 20 арэс тырмыса гинэ пырыны быгато вал.

Жданов эш егит'ёсты партия 18 арэсысен кутыны чектйз.

Партилен рад'ёсэз пырем комсомолец'ёс партийной но комсомольской организациосын сылоно луо вал. Жданов эш партия пырем комсомолец'ёсы одйг партийной организациын гинэ сылыны предлагать каре, татчы уг шедэ сы'че эш'ёс, куд'ёсыз, партилен поручениез'я, ком-

сомолын кивалтон ужын ужало.

Асьме странамылэн улоназ комсомол бадзым инты басьтэ. Уно комсомолец'ёс совет'ёсын ужало, уноез соло колхоз'ёслэн председателёсынызы, завод'ёслэн но фабрик'ёслэн директор'ёсынызы, Комсомолец'ёс стахановской движенилэн азымынсьёсыныз луо. Но комсомольской организациос асьсэ предприятизылэн, колхоззылэн, совхоззылэн ужзы шоры тырмыт саклык уг вис'яло на. Жданов эш государственной но хозяйственной строительствон комсомоллэсь рольэз кужмоятыны предлагать каре.

Докладэз бырон азын Жданов эш вераз:

„Асьмеос тодйськом, что азыланьын шуг-секыт'ёс луозы. Асьмеос валаськом асьме азе выль пуктэм задачаослэсь сложностьсэс. Нош асьмеос асьмелэн пумозыз вормыса потонмы понна средствосты но, условиосты но тодйськом“.

„Дано мед луоз асьме великой партия!“

Дано мед луоз большевистской партилен, вань советской калыклэн, вань азымынсь прогрессивной челювечестволэн генийез, йырвизымыз, сюлэмыз — асьме Сталин!“ (Кема чоже кыстйськысь кужмо кичапкон'ёс овацылы пöрмо, ваньзы султо, куараос: „Ура“).

21-тй мартэ 1939 аре знаменитой русской ученойлы, радиоэз изобретать карысьлы — А. С. Поповлы вордскем дырысеныз 80 ар тырмиз.



А. С. Попов. (1859—1905).

ВКП(б)-лэн вань член'ёсызы но кандидат'ёсызы.

ИВОРТОН

9-тй апреле 9 часэ чукна железнодорожной клубе ВКП(б)-лэн Ярысь райкомез районной партийной собрани люка.

Эскероно уж'ёс:

1. ВКП(б)-лэн XVIII с'ездэзлэн итог'ёсыз. (Докладчик ВКП(б) райкомлэн секретарез П. Поздеев).
Собрание ВКП(б)-лэн член'ёсызы но кандидат'ёсызы дыраз лыктоно.
ВКП(б)-лэн райкомез.

ВКП(б)-лэн XVIII с'ездэз



ВКП(б)-лэн XVIII с'ездэзлэн делегат'ёсыз: (паллянысен буре) ВКП(б)-лэн XVIII с'ездэзлэн президиумезлэн член'ёсыз А. А. Кузнецов, А. И. Шахурин, И. К. Седин эш'ёс, ВКП(б)-лэн мандатной комиссиелэн членэз А. М. Алемасов эш но ВКП(б)-лэн XVIII с'ездэзлэн президиумезлэн членэз П. К. Пономаренко эш.

Партилэн XVIII с'ездэзлэсь материал'ёссэ бадзым активностен изучать каро

РО НКВД-ысь но нефтебазысь ужасьёс бадзым активностен изучать каро партилэн XVIII с'ездэзлэсь материал'ёссэ.

РО НКВД-ысь ужасьёс партилэн XVIII с'ездэзлэн материал'ёсыз печате потэм нуналысен ик каждой нунал, ужаны кутскемлэсь азьло, коллективно громкой читкаос ортчыт'яло.

Громкой читкаос ортчыт'яса татын ВКП(б) ЦК-лэн ужамез сярысь Сталин эшлэсь отчётной докладэз, Центральной ревизионной комиссилэн ужамез сярысь Владимирский эшлэсь отчётной докладэз, Ворошилов но Берия эш'ёслэсь речёссыз изучать карыса быдэстэмзын ини.

Татын партилэн XVIII с'ездэзлэсь материал'ёссэ изучать каронэн чаш МОПР-лы средства вис'ян уж но умой мынэ. Ваньмыз ужасьёс одйг нунал'ем заработоксэс МОПР-лы сётыны ог мылдыдысь пуктызы. Со кояьдон люкамын ини, ваньмыз 188 манет окмиз.

Озы ик с'ездовской материал'ёсты туж бадзым интересэн но активностен изучать каро нефтебазысь ужасьёс. Татын партилэн с'ездэзлэсь материал'ёссэ изучать карон ласянь 7 пол заныти ортчытэмзын ини. Татысь ужасьёс с'ездлэсь исторической решениоссэ изучать каронэн чаш ас вылазы конкретной обязательствоос басьто.

Вань сельскохозяйственной уж'ёс'я, а нимысьтыз ик тулыс ю кизён дыр'я, МТС'ёс-ти горючоен тырмыт но дыраз обеспечить карыны. МТС'ёслы горючоез лэзбылон дыр'я очередь создать каронэз допустить каронтэм выльсь.

Партилэн XVIII с'ездэзлэсь материал'ёссэ изучать каронэз паськыт вълмытоме.

НОРИН, ВАСИЛЬЕВ.

ВКП(б)-лэсь историзэ самостоятельно изучать карисьёслы

Ярской культмаге вузаны поступить каризы удмурт кылын "ВКП(б)-лэн историзлэн Краткой курсэз" но ВКП(б)-лэсь историзэ самостоятельно изучать карисьёслы брошюраен поттэм допльнительной материал'ёс.

Ю кизён азелы дась өвёл

Никольской сельсоветысь Ворошиловлэн нимыныз нимам колхоз тулыс ю кизёнлы дась өвёл на.

Основной сельскохозяйственной тйрлык т у ж урод ремонтировать каремын. 23 плуг'ёс пöльсь 9 гырыны уз яралэ. Усыослэн пиньёссы урод кортчо'ёсын жугылэмын, соослэн али ик пиньёссы усыло. Уробоосты тупат'ян уже кутскымтэ, нош али кыткыны ярамонэз кык уробо гинэ лыд'яське. Колхозлэн председателэз "мыным кык уробоен но тулыс

ю кизыны окмоз" шуыса вера.

Та'че ик семенной кидысэз дасьтон уж но урод. Зерновой кидыс сезы но йды сямыз понна гинэ сортировать каремын. Клевезез кутсам бере солэсь макнязэ тереть карымтэ и али со макняез пудоослы сюдо.

Собере татын зег но сезы куро трудодеянь ёз люке, а кинлэн кёня мылыз потйз озы ик ворттызы. Али соин сэрэн МТФ-ын зег но сезы куро прочез өвёл. Макня но куколь кутсам бере умой

интые тырымтэенызы уноез сисымыны шедемын. Вал'ёс уноез истощениэсь, озы но соос уже ыс'ямысь освободить карымтэ.

Вань та выль верам факт'ёс Ессеев предсельсоветлэн син аяз ке но вал, сое устранить карон ласянь со нокы'че уград но ёз куты. Только колхозлэн "общой собраниез гинэ та верам факт'ёсты шапрае потйз но колхозлэсь председателэз Ледянкинэз ужысьтыз снять кариз.

ЯКОВЛЕВ.

Каталониысь пегзём нылкышноос но пинал'ёс Францие вуыса концентрационной лагер'ёсы келясько.



СУРЕД ВЪЛЫН: нылкышноос но пинал'ёс концентрационной лагере мынон сюрес вылын асьсэлы скудной обед басьто.

Германской вйскаос пограничной район'ёсы люкасько

"Дейли геральдлэн" специальной корреспондентэз ивортэ, что Германиын секретной порядокен ортчыт'яско трос военной мероприятияос. Та мероприятияос асьсэлэн масштабзья тупало кылем арын сентябрь толэзе орччытэм мероприятияослы. Пограничной район'ёсы вуо ялан выль но выль войскаос. Калыклэн улонэз быдэсак дезорганизовать каремын. Стратегической пункт'ёсын крестьянской фермаосты войскаос занимать каро, ульсьёсты нош мукет азе келяло. Вал'ёс, повозкаос но мукет'ёсыз веллон тйрлык'ёс мобилизовать каремын.

Корреспондент, нимысьтыз ик вераса, подчеркивать каре Германилэсь швейцарской граница дорын войналы кужмо дасяськемэз. Озы ик чик дугдылытэк вуыло войскаос Южвой Австрие. Клагенфурт но Виллах город'ёсын гарнизон'ёс куинь поллы будэ-

Мадридын фашистской террор

Мадридысь иворто, что Франко генераллэн полициез та берло суткаосы гинэ 2 сюрес мурт котыр калыкез арестовать кариз шуыса.

тэмын. Ваньмыз ик пичиесь город'ёс тырмемын штурмовик'ёсын. Местной полицейской кужум'ёс дышетско земитной орудиосысь ыбылыны. Гражданской калык предудить каремын ни, что военной действиос кутскизы мар ке, вань полицейской функциос быдэ'яллыськозы штурмовой отряд'ёсын гинэ.

Сунцовлы партийной взыскани сётэмзын

Дизьмино сельсоветысь "Диктатура Пролетариата" колхозлэн азьвыл председателэз Сунцов Е. А. колхозэз большевистской но колхозник'ёсты зажиточной, культурной улонэ вуттон понна ёз скулмаськылы. Колхозэн умой-умой кивалтымтэен со колхозын трудовой дисциплинаез куашкатйз.

Колхозник'ёс но колхозникаос пöлын массово-раз'яснительной уж нуонэз умой пуктон интые со колхозник'ёсты пачкаен, список'ёсын штрафовать карылз.

Сйзбыл Сунцов пудо сионэз сисытйз но растранировать кариз. Колхозын али дыре пудо сион уг тырмы.

Колхозын трудовой дисциплинаез куашкатэмез понна первичной парторганизация Сунцовлы личной делоз занести карыса строгий выговор сётйз. Первичной парторганизацилэсь решениэз ВКП(б)-лэн Ярской райкомез утвердить кариз.

"Диктатура Пролетариата" колхозлэн общей собраниеныз Сунцов Е. А. колхоз председателысь куштэмзын. МАЛЫХ.

Отв. редактор— И. Малых.

Ялон

Заготленлэн Ярской отделениез районьсь вань колхоз'ёслы ивортэ, куд'ёсыз государственлы етйн кидыс сдать каризы, дыртэлэ Яр сельпонысь растительной вöеэ басьтыны. Вöй вузаськоз 15-тй апрелёз 1939 аре. Колхоз'ёс вöеэ 15-тй апрелёз басьтыса ёз ке вуэ, вöй сельполен мукет назначениосы лэземын луоз.

Ф. ВЕРЕТЕННИКОВ.

Заготлен—А. СУНЦОВ.



СУРЕД ВЪЛЫН: Калининской областысь, Бологовской районьсь "Победа" колхозлэн председателэз А. П. Павлов, Калининской парторганизациен ВКП(б)-лэн XVIII с'ездэз делегатэ быр'емын.

(ТАСС-лэн ёксысьтэс),